





皆不得與外間交通故子瑜得窮日力於書越  
王薨後稍得出游文士輩亦時至其門家所藏  
法書名畫幾與中秘等南渡倉卒公寶惜固護  
與身存亡故他貨不得一錢著身公以此貧甚

密公得友人書詩以志喜曰聞有書來喜欲狂紫  
芝眉宇久難忘別離唯嘆我頭白詩句屢成君  
馬黃公幹羈棲猶洛下孔明高卧尚南陽冷官  
領取閑中趣遠勝區區夢蟻忙

金制國公祭山陵則佩虎符乘傳號曰嚴祭若上  
清儲祥宮若太乙宮五岳觀設醮上方相藍大

道場則國公代行香子瑜多預焉嘗有詩自戲  
云借來羸馬鈍於墻馬上官人病且症無用老  
臣還有用一年三五度燒香

密公漁父詞云楊柳風前白板扉荷花雨裏綠蓑  
衣紅稻美錦鱗肥漁笛閑拈月下吹釣得魚  
來卧看書船頭穩置酒葫蘆烟際柳雨中蒲乞  
與人間作畫圖

密公又有青玉案詞云凍雲封却馳岡路有誰訪

溪梅去夢裏。踈香風似度。覺來誰見一窓涼。月  
瘦影無尋處。明朝畫筆江天暮。定向漁簑得  
奇句。試問簾前深幾許。兒童笑道黃昏時候。猶  
是廉纖雨。西江月詞云一百八般佛事二十四  
考中書山林朝市等區區。着甚由來自苦。過  
寺談夢般若。逢花倒箇葫蘆。少時伶俐老來愚。  
萬事安於所遇。臨江仙詞云倦客更遭塵事冗。  
故尋閑地。婆娑一尊芳酒。一聲歌盧。卽心未老。

潘令鬢先皤。醉向繁臺臺上。問滿川細柳新  
荷。薰風樓閣。夕陽多倚欄。凝思久。漁笛起烟波。

死中

字極之大興人

貞祐初。木虎高琪當國。專以威刑肅物。士大夫被  
捃撫者。笞辱與徒隸等。醫家以酒下地。龍散投  
以蠟丸服之。則受杖者失痛。覺此方大行於時。  
苑極之有戲云。嚼蠟誰知味。最長一杯卯酒地。  
龍香年來紙價長。安貴不重新。詩重藥方時人。

傳以為笑

李獻能

字欽叔貞祐三年以省元擢廷試第一從兄弟欽止欽若欽用皆中朝名

勝李故將種而同時四進士照映時

平州王飛伯鬱以布為囊采當世名卿詩投其中  
李欽叔題云穎露毛錐祗自賢。智如樗腹但求  
全。迂踈差似淵才富。羞澁猶無杜老錢。收拾珠  
璣三萬斛。貯儲風月一千篇。嘔心大勝奚奴錦。  
要與風人被管絃。

元光初李欽叔與元裕之在孟津幸敬之愿自女  
几來為留數日其行也欽叔為設饌備極豐腆  
敬之效筋嘆曰平生餉食有數每見吾二弟必  
得美食明日道路中又當與老飢相抗去矣會  
有一日辛老子僵卧柳泉韓城之間以天地為  
棺椁日月為含穵狐狸亦可螻蟻亦可二人為  
之惻然嘗共游河山亭敬之賦臨江仙留別二  
人云誰識虎頭峯下客少年有意功名清朝無

路到公卿。蕭蕭華屋。白髮老諸生。邂逅對床  
逢二妙。揮毫落紙堪驚。他年聯袂上蓬瀛。春風  
蓮燭。莫忘此時情。

趙元

字宜之。號愚軒。自稱十洲種玉犬。誌經  
童出身。以年及調鞏西簿。未幾失明。既  
病廢。無所營。為萬慮一歸。於詩。故詩益工。  
與陵川秦簡夫善。簡夫名畧。自號西溪老  
人。

趙宜之為鞏西簿。泰和丁卯。道出蒲東。普救寺僧  
舍所謂西廂者。有唐麗人崔氏女遺照在焉。因

命畫師陳居中繪模真像。仍拾四十字題云。並  
燕鶯為字。聯徽氏。姓崔。非烟。宜采畫。秀玉勝江  
梅。薄命千年恨。芳心一寸灰。西廂舊紅樹。曾與  
月徘徊。

貞祐之難。愚軒賦鄰婦哭。曰鄰婦哭。哭聲苦。一家  
十口。今存五。我親問之。亡者誰。兒郎被殺。夫遭  
虜。鄰婦哭。哭聲哀。兒郎未埋。夫未迴。燒殘破  
屋。不暇葺。田疇失鋤。多草萊。鄰婦哭。哭不停。

應當門戶無餘丁。迨昏夜至。星火急。并州運米雲中行。

秦簡夫贈趙宜之云年時見君行路難喜于長安  
新得官日來見君鄰婦哭驚似藍田尋得玉愛  
官愛玉樂有涯愛君之詩無盡期古人骨冷不  
復作主張騷雅非君誰

秦簡夫在上黨公府賦穀靡靡云穀靡靡青割將  
來強半糶。急忙舂米送官倉。只恐秋風馬塵起。

官倉遠在蒼麥山。南梯直上青雲間。梯危一上  
八九里。之字百折縈廻環。憑誰說向監倉使。斛  
面莫教高一指。請君公路看擔夫。汗顆多于所  
擔米。

李汾

字長源平生以詩為專  
門之學其所得為多

元光末李長源用薦書從事史館長源素高亢時  
館中諸人率多新進史家凡例未能盡知長源  
正襟危坐讀太史公左丘明一篇或數百言音

吐洪暢旁若無人既畢顧四坐漫爲一語云者  
諸人積不平乃以嫚罵官長訟於有司踰年竟  
罷去坊州雷伯威瑄作詩送之頗譏翰林諸人  
不能少忍至與一書生相角逐使狼狽而去有  
郎君未足留商隱官長從教罵廣文之句又云  
明日春風一杯酒與君同酌信陵墳人甚稱之

呂大鵬字鵬舉

興定初有王世安者獻取盱眙楚州之策宣宗遂

有南侵之謀密人呂鵬舉素以氣岸自許作詩  
撼主兵者云縫掖無由挂鐵衣劍花生澁馬空  
肥燈前草就平南策一夜江神泣涕歸

王渥

字仲澤興定二年進士以字行

王仲澤登第後調管司候不赴壽州防禦使完顏  
邦獻商州防禦使完顏國器武勝節度完顏庭  
玉愛其才連辟三府經歷官在軍中凡十年嘗  
同元裕之從國器獵賦水龍吟曰短衣匹馬清



秋慣曾射虎。南山下西風白水。石鯨鱗甲。山川  
圖畫。千古神州。一時勝事。賓僚儒雅。快長堤萬  
弩。平岡千騎。波濤卷魚龍夜。落日孤城鼓角。  
笑歸來長圍初罷。風雲慘澹。貔貅得意。旌旗閑  
暇。萬里天河更須一洗。中原兵馬。看鞞纛嗚咽。  
咸陽道左。拜西還駕。

正大七年金與宋議和。擇可爲行人者。仲澤以才  
選。允再至揚州。制司驛亭有題詩。譏其和事不

成者云。來往二年。無一事。青山也解笑行人。仲  
澤因爲解嘲云。二年奔走道途間。知被青山笑。  
往還只向江南南岸老。行人應更笑青山。宋人  
愛其才有中州豪士之目。

史才

字才長。弟學字學優。並有  
聲太學。時稱延安二史。

史才長陪陳彥文謁筠泉榮上人。詩云。強隨禪客  
到西禪。竹栢團青蔭。石泉一首小詩。吟不就。閑  
情元在落花邊。

史學優正大中省試第一嘗客京師有所眷久而  
不歸其妻李作詩寄之云百年風樹底誰淚到  
君前學優得詩卽日命駕

元好問

字裕之號遺山元東巖德明子也始  
生七月出繼叔氏與定五年舉進士  
金亡不仕兄  
好古字敏之

明昌承安間元東巖有聲場屋累舉不第放浪山  
水間未嘗一日不飲酒賦詩桃源行曰山中三  
月山桃開紅霞爛熳無邊涯山家藏春藏不得

落花流水人間來憶昔携家竄巖谷秦人半向  
長城哭回頭塵土失咸陽繒弋徒勞羨鴻鵠冬  
裘夏葛存大朴小國寡民皆樂俗晝永垣籬鷄  
犬閑春晴門巷桑榆綠漁郎偶到本無心仙境  
何緣得重尋今日武陵圖上看唯見雲林深復  
深。

元東巖生平愛鴈門鳳凰山竟不一到其詩曰鳳  
凰聞說似天壇北去南來馬上看想得松聲滿

巖谷秋風無際海波寒。

元敏之性識穎悟讀書能強記務爲無所不闕年二十就科舉時東巖公已歿其母望敏之立門戶甚切及再試不中意殊不自得又娶婦不諧日致惡語遂以狷介得疾嘗作望月詩云佳辰無物慰相思先賞空吟昨夜詩莫怪更深仍坐待密雲或有暫開時人或言詩境不開廣非佳語也敏之嘆曰吾得年不永境趣能開廣否未

幾没于北兵屠城之禍

元遺山七歲能詩王擬拙稱爲神童稍長從陵川郝晉卿天挺學六年而業成下太行渡大河爲箕山琴臺等詩閑閑趙公見之以爲少陵以來無此作也以書招之於是名震京師目爲元才子箕山詩有云幽林轉陰崖鳥道人跡絕許君棲隱地唯有太古雪人間黃屋貴物外祗自潔尚厭一瓢喧重負寧所屑琴臺詩有云荒城草

木合。破屋風雨侵。千年一琴臺。騰馬涕盈襟。遺  
愛食縣社。公寧不堪任。此臺卽甘棠。忍使無餘  
陰。又云千山爲公臺。萬籟爲公琴。夔曠不並世。  
月露爲知音。興定初裕之始以詩文見閑閑公  
公爲延譽諸公間又五年乃得以  
利第出公之門。公力爲挽之。苟有不平者。謂公  
與揚禮部之美雷御史希顏李內翰欽叔爲元  
氏黨人。正大甲申。諸公貢裕之詞科。公爲監試  
官。以例不赴院宿。一日坐禮曹。欽叔從外至。誦  
裕之秦王破竇建德降王世充露布。公頗爲聳  
動。顧座客陳司諫正叔曰。人言我黨元子誠黨  
之耶。

泰和乙丑裕之赴試并州道逢捕鴈者捕得二鴈  
一歛一脫網去其脫網者空中盤旋哀鳴良久  
亦投地歛裕之遂以金贖得二鴈瘞汾水傍壘  
石爲識號曰鴈丘因賦摸魚兒詞云問世間情  
是何物直教生死相許。天南地北雙飛客。老翅  
幾回寒暑。歡樂趣。離別苦。就中更有癡兒女。君  
應有語。渺萬里層雲。千山暮雪。隻影向誰去。  
橫汾路。寂寞當年簫鼓。荒烟依舊平楚。招魂楚

些何嗟。及山鬼暗啼風雨。天也。妬未信。與鶯兒。  
燕子俱黃土。千秋萬古爲留待。騷人狂歌痛飲。  
來訪鴈立處。同行蒲溪楊正卿果和云。悵年年  
鴈飛汾水。秋風依舊蘭渚。網羅驚破雙棲夢。孤  
影亂翻波素。還醉與筭古往今來。只有相思苦。  
朝朝暮暮。想塞北風沙。江南烟月。爭忍自來去。  
埋恨處。依約并門舊路。一丘寂寞寒雨。世間  
多少風流事。天也有心相妬。休說與。還却怕有

情多被無情誤。一盃會舉。待細讀悲歌滿。傾清  
淚。爲爾醉黃土。樂城李仁卿治和云。鴈雙雙正  
分汾水。回頭生歎殊路。天長地久。相思債。何似  
眼前俱去。摧勁羽。倘萬一幽冥。却有重逢處。詩  
翁感遇。把江北江南風。嘹月唳。并付一丘土。  
仍爲汝。小草幽蘭麗句。聲聲字字酸楚。拍江秋  
影。今何在。草木欲迷隄樹。霜魂苦。筭猶勝。王嬙。  
青塚真娘墓。憑誰說與。對鳥道長空。龍艘古渡。

馬耳淚如雨

大名民家有男女以私情不遂赴水歿後三日二尸相携出水濱是

歲此陂荷花無不並蒂者李仁卿賦摸魚兒紀其事云為多情和天也老不應情遽如許請君

試聽雙渠怨方見此情真處誰點注香激灩銀塘對抹胭脂露藕絲幾縷絆玉骨春心金沙曉

淚漠漠瑞紅吐連理樹一樣驪山懷古古今朝暮雲雨六郎夫婦三生夢斷幽恨從前須

會取共鴛鴦翡翠照影長相聚風不住悵寂寞詞魂輕煙北渚涼月又南浦仁卿此詞典鴈立

詞並膾炙人口

正大四年十月有狂僧李菩薩者就都人楊廣道家宿一日大寒楊與之酒李若媿無以報主人

者晨起持酒盃出聞其喫酒聲入曰增明亭前

花開矣已而牡丹開兩花來觀者車馬闐咽酒

尊為之一空元遺山賦滿庭芳詞記之云天上

殷韓解羈官府爛遊舞榭歌樓開花釀酒來着

帝王州常見牡丹開後獨占斷穀雨風流仙家

好霜天槁葉穠艷破春柔狂僧誰借手一盃

喚起綠怨紅愁天香國艷梅菊背人羞盡揭紗

籠護日容光動玉斝瓊舟都人士女年年十月

常記遇仙樓

天興初元裕之從事史院時東平賈左丞益謙致仕居鄭州裕之就訪衛紹王逸事留二十許日賈問及時事裕之輒一二言之移坐接膝相得甚歡裕之獻詩云黃閣歸來履舄輕天將五福畀康寧四朝人物推耆舊萬古清風在典刑鄭圃亦能知有道漢廷久欲訪遺經帝城百里瞻依近長傍弧南候極星賈荅云見說才名自妙

年多慙政府妨賢物華天寶無今古鳳閣鸞臺孰後先鄭圃道尊何敢望漢廷書在子當傳莫言老眼昏花滿及見風鵬上九天

壬辰北渡順天毛正卿楊德秀祈仙山寺中蘇晉降筆寫詩數十首一詩有百偽無一真中有羲黃醇之句餘詩除酒裏神仙我五言外多不成語二人初不知晉爲何代人詩爲何人作以語元遺山遺山曰余二十六七時有詩曰西郊一

山堂外紀卷六十七  
一四  
畝宅閉門秋草深。床頭有新釀。意愜成孤斟。舉  
杯謝明月。蓬華肯相臨。願將萬古色。照我萬古  
心。又去古日已遠。百偽無一真。獨餘酒鄉地。中  
有義黃醇。聖教難爲功。乃見酒力神。誰能釀滄  
海。盡醉區中民。今晉所批。乃有此十字。晉豈余  
前身。耶將近時鬼物之不昧者。記余詩託名於  
晉。以自神也。晉旣以余詩爲渠所作。余亦就酒  
裏神仙我五言。取償於晉。因作樂府曰。繡佛長

齋半生枉伴蒲團過。酒壚橫卧一蹴虛空破。  
頰笑張顛自謂無。人和還知麼。醉鄉天大少箇  
神仙我。

元遺山送李參軍赴塞上長篇曰。五日過居庸。十  
日度桑乾。受降城北幾千里。出塞入塞沙漫漫。  
古來丈夫淚不洒。離別間。今日送君行。涕泗流  
欲潛。生男莫作班定遠。萬里馳書望玉關。生女  
莫作王明妃。一去紫臺空珮環。我知驥子隨地



走四方。我知鴻鵠意氣凌雲端。草間只鷄亦自  
樂。扶搖萬里何能搏。一衣敝緼袍。一飯首膾盤。  
歲時壽翁媪團樂有餘歡。縱令一朝便得八州  
督。曾如庭下彩衣起舞春爛斑。去年洛陽陌。今  
年指天山地遠。馬肩破。霜重貂裘單。胡風浩浩  
來。客子慘在顏。野狐嶺上一回首。未必君心如  
石頑。君不見衡山鳥乳哺。不得須臾閑。衆雛一  
分散。慈鳥四顧聲酸。塞鴈來時八九月。白頭阿

母望君還

全篇叙塞垣之景。客旅之情。可謂詳悉。親涉此境。自不能堪。

元遺山有滿江紅秋興詞曰天上飛鳥阿誰遣東  
生西沒明鏡裏朝爲青髮暮爲華髮弱水蓬萊  
三萬里夢魂不到金銀闕更幾人能有謝家山  
飛仙骨山鳥弄林花發玉杯冷秋雲滑彭殤  
共一醉不爭毫末鞭石何年滄海過三山只是  
尊中物暫放教老子據胡床邀明月  
元遺山有妹爲女冠文而艷張平章當揆欲娶之

使人屬遺山遺山辭以可否在妹張喜自往覘其所向至則方自手補天花板輟而迎之張詢近日所作應聲答曰補天手段斲施張不許纖塵落畫堂寄語新來雙燕子移巢別處覓雕梁張悚然而出

北渡後木菴上人。有七夕感興詩云。輕河如練。月如舟。花滿人間。乞巧樓野老家風依舊。拙蒲團。又度一年秋。元裕之爲之擊節稱嘆。恨揚趙諸

公不及見之

元遺山嘗有錦機集。指授學者。晚年力以國史爲已任。乃構野史亭於家。凡金源君臣言行記錄。至百餘萬言。書未就而卒。高唐閻靜軒復挽之曰。蕭寺秋風捲玉荷。月明人影共婆娑。誰知別後驪駒曲。便是先生薤露歌。野史夜寒虫蠹簡。錦機春暖鳳停梭。祇應前日西州路。常使羊曇忍淚過。

堯山堂外紀卷六十七終

堯山堂外紀卷六十八

晉陵蔣仲舒編

元

北狄稱銀曰蒙古元之先號蒙古者因女直號金乃以銀號其國也後歷世祖始改號元

楊奐

字煥然號紫陽太宗卽位之十年戊戌開奉選奐兩中賦論第一

金章宗泰和丙寅春試貢士於萬寧宮楊紫陽時

甫冠席屋偶居前列朝隙聞異香出殿櫺間一

紫衣人顧之起問題難易及名氏里貫年齒去

少頃衆相慶曰適駕至矣薄暮出宮傳為希遇

喜而紀以詩曰月澹長楊曉色清天題飛下寂  
無聲南山霧豹文章在北海雲鵬羽翼成玉檻  
玲瓏紅靄重金爐縹緲翠烟輕誰言半夜曾前  
席白日君王問賈生

楊紫陽讀通鑑至論漢魏正閏大不平之遂修漢  
書駁正其事因作詩云風烟慘淡駐三巴漢爐  
將燃蜀婦髮欲起溫公問書法武侯入寇寇誰  
家後攻宋軍迴始見通鑑綱目其書乃寢

楊紫陽題管寧濯足圖云踏遍遼東未是癡藜床  
欲冗只心知好留一掬黃泥水漫却曹郎受禪  
碑

王和卿大都人閏漢卿同時和卿數譏譴閏  
而鼻垂雙涕尺餘人皆歎駭閏來吊唁詢  
其由或對云此釋家所謂坐化也復問鼻  
懸何物又對云此王筍也閏云我道你不  
識不是王筍是桑咸禿一笑或戲閏云你  
被王和卿輕侮半世死後方才還得一籌  
凡六畜勞傷則鼻中常流膿水謂之桑病  
又愛許人之短者亦謂之桑故云

王和卿滑稽挑達傳播四方中統初燕市有一胡蝶其大異常王賦醉中天小令云棹破莊周夢兩翅駕東風三百處名園一采一箇空難道風流種。諛殺尋芳蜜。蠢輕輕的飛動賣花人。搨過橋東。由是其名益著。

王和卿題情一半兒詞云鴉翎般水髮似刀裁。小顆顆芙蓉花額兒穿。待不梳粧怕娘左猜。不免插金釵一半兒鬢。鬆一半兒歪。別來寬褪縷。

金衣粉悴烟憔悴。玉肌泪點兒只除衫袖知。盼佳期一半兒才。乾一半兒濕。

王和卿詠秃天淨紗詞云笠兒深掩過雙肩。頭巾牢抹到眉邊。疑款的把笠簷兒試掀。連荒道一句君子人。不見頭面。

王妓浴房中被打王和卿作撥不斷詞嘲之云假胡伶。騁聰明。你本待洗臉。賸到惹得不乾淨。精尻上。勻挑七道青扇圈。大膏藥剛糊定。早難道。

外宣無病

閑漢卿

號已齋叟大都人金末為太醫院尹金亡不仕好談妖鬼所著有鬼董

西廂是王實甫撰至草橋驚夢而止此後乃閑漢卿足成者北曲故當以此壓卷如曲中語雪浪拍長空天際秋雲捲竹索纜浮橋水上蒼龍偃滋洛陽千種花潤梁園萬頃田東風搖曳垂楊線游絲牽惹桃花片珠簾捲映芙蓉面法鼓金鏡二月春雷響殿角鍾聲佛號半天風雨灑松

梢

是駢儷中景語

手掌兒裡竒擊心坎兒裏溫存眼皮

兒上供養哭聲兒似鶯囀喬林淚珠兒似露滴

花梢繫春心情短柳絲長隔花陰人遠天涯近

香消了六朝金粉瘦減了三楚精神玉容寂寞

梨花朶。臘脂淺淡櫻桃顆。是駢儷中情語他做了影兒

裏情郎我做了畫兒裏愛寵。拄着拐幫閑鑽懶

縫合脣送暖偷寒昨夜箇熱臉兒對面搶白今

日箇冷句兒將人厮侵半推半就又驚又愛是駢

儷中落紅滿地。胭脂冷。夢裏成雙。覺後單。是單

佳語只此數條。他傳奇不能及。錄鬼簿以董解元

名字但云仕金章宗朝為翰林學士時鍾嗣

王實甫不但長於情辭。有歌舞麗春堂雜劇。其十

三換頭落梅風內對青銅。猛然間兩鬢霜全不

似。舊時模樣。又絲竹芙蓉亭。襍劇仙呂一套。通

篇皆本色語。其間如混江龍內想着我懷兒中

受用。怕甚麼臉兒上搶白。元和令內他有曹子

建七步才還不了。龐居士一分債。勝葫蘆內兀

的般月斜風細。更闌人靜。天上巧安排。寄生草

內你莫不一家兒受了。康禪戒此等皆俊語

王實甫別情堯民歌云。自別後遙山隱隱。更那堪

遠水粼粼。見楊柳飛綿。袞袞對桃花醉臉。醺醺

透內閣香風陣。陣掩重門。暮雨紛紛。怕黃昏

不覺又黃昏。不銷魂。怎地不銷魂。新啼痕。壓舊

啼痕。斷腸人憶斷腸人。今春香肌瘦幾分。樓帶

寬三寸。

王實甫春睡山坡羊云雲鬆螺髻。香溫鴛被。掩春  
閨。一覺傷春睡。柳花飛小瓊姬。一片聲雪下呈  
祥瑞。把團圓夢兒生喚起。誰不做美。吓却是你。  
閨漢卿續西廂極力模擬其商調集賢賓及掛金  
索裙染榴花。睡損胭脂皺。紐結丁香。掩過芙蓉  
扣線。脫珍珠淚。濕香羅袖。楊柳眉顰人比黃花  
瘦。俊語亦不減王。

賀方回浣溪沙有云淡黃楊柳帶栖鴉。閨漢卿演  
作四句云不近諠譁嫩綠池塘藏睡鴨。自然幽  
雅淡黃楊柳帶栖鴉。青出於藍無妨竝美。

閨漢卿嘗見一從嫁媵婢作小令云鬢鴉臉霞。屈  
殺了將陪嫁。規摹全似大人家。不在紅娘下。巧  
笑迎人。文談回話。真如解語花。若咱得他倒了。  
蒲桃架。

閨漢卿題情一半兒詞云雲鬟霧鬢勝堆雅。淺露



金蓮軟絳紗。不比等閑牆外花。罵你箇俏冤家。一半兒難當。一半兒耍。碧紗窗外靜無人。跪在床前忙要親。罵了箇負心回轉身。雖是我話兒。嗔一半兒。推辭一半兒。肯。

閨漢卿別情梧葉兒詞曰。別離易。相見難。何處鎖雕鞍。春將去。人未還。這其間。殃及殺愁眉。泪眼。閨漢卿嘲秃指甲醉扶歸云。十指如枯筍。和袖捧金樽。搗殺銀筆字。不真搔痒。天生鈍。縱有相思。

泪痕索把拳頭搵。元人有咏指甲得勝今一閨將綉線。勻宜把金針。絳宜操七絃。琴宜結。兩同心。宜托腮邊。玉宜圈鞋上。金難禁得。一搗通身。沈知音。治相思。十箇針。豔爽之極。又出玉閨之上。

馬致遠號東籬元人樂府稱閨馬鄭白為四大家鄭名德輝白名仁甫涵虛子元詞記謂漢卿如瓊筵醉客致遠如朝陽鳴鳳德輝如九天珠玉仁甫如鵬搏九霄

馬致遠雙調秋思放逸宏麗而不離本色押韻尤

妙元人稱為第一真不虛也。夜行船。百歲

光陰如夢蝶。重回首。往事堪嗟。昨日春來。今朝

花謝急。罰盞夜闌燈滅。喬木查。秦宮漢闕。  
都做了。衰草牛羊野不恁。漁樵無話說。縱荒墳  
橫斷碑。不辨龍蛇。慶宣和。投至狐蹤與兔  
穴。多少豪傑。昂足三分半。腰折魏耶。晉耶。落  
梅風。天教富莫太奢。無多時好。天良夜看錢  
奴硬將心似鐵。空辜負錦堂風月。風入松  
眼前紅日又西斜。疾似下坡車。曉來清鏡添白  
雪。上床和鞋履相別。莫笑鳩巢計拙。葫蘆提一

恁粧呆。撥不斷。利名竭。是非絕。紅塵不向

門前惹。綠樹偏宜屋角遮。青山正。補牆頭缺。竹

籬茅舍。離亭宴歌。蛩吟一覺。終寧貼。鷄鳴

萬事無休。歇爭名利。何年是徹。密匝匝。蟻排兵

亂紛紛。蜂釀蜜。鬧穰穰。蠅爭血。裴公綠野堂。陶

令白蓮杜。愛秋來。那些和露摘。黃花帶霜烹。紫

蠊煮酒。燒紅葉。人生有限。杯幾箇。登高節。囑付

俺頑童。記者便北海探吾來。道東籬醉了也。看

用蝶穴傑別竭絕字是入聲作平聲關說鐵雪  
拙缺貼歇徹血節字是入聲作上聲滅月葉是  
入聲作去聲  
無一字不妥

馬東籬又有天淨紗秋思詞曰枯藤老樹昏鴉小

橋流水人家古道西風瘦馬夕陽西下斷腸人

在天涯。前三對更瘦馬二字去上極妙秋思之祖也

鄭德輝王粲登樓中呂迎仙客云雕簷紅日低盡

棟綵雲飛十二玉闌天外倚望中原思故國感

慨傷悲一片鄉心碎。妙在倚字上聲起音一篇之中唱此一字况務頭在

其上原思字屬陰感慨上去尤妙迎仙客累百無此調也美哉德輝之才名不虛傳

鄭德輝所作情詞亦自與人不同如傷梅香頭一

折寄生草不爭琴操中單訴你飄零却不道窓

兒外更有個人孤另六么序却原來群花弄影

將我來說一驚此語何等蘊藉大石調初問口

內又不曾薦枕席便指望同棺槨只想夜偷期

不記朝聞道好觀音內上覆你箇氣咽聲綠張

京兆本待要填還你枕剩衾薄語不着相情意

獨至真得詞家三昧者

傷梅香第三折越調雖不入絃索然自是妙如小  
桃紅云是害得神魂蕩漾也合將眼皮開放你  
好熱奔也沈東陽調笑令內壁面的便搶白殺  
那病裏王呀怎生來番悔了巫山窈窕娘滿口  
裡之乎者也沒攔當都噴在那生臉上諛的那  
有情人恨無箇地縫藏羞殺也傳粉何郎秃厮  
兒請學士休心勞意攘俺小姐他只是作要難

當止是尋常說話畧帶訛語然中間意趣無窮  
此便是作家

鄭德輝倩女離魂越調聖藥三內近蓼花纜釣槎  
有折蒲衰草綠蕪葭過水漣傷淺沙遙望見烟  
籠寒水月籠沙我只見茅舍兩三家如此等語  
清麗流便語入本色然殊不穠郁宜不諧於俗  
耳也

白仁甫勸飲寄生草詞曰長醉後方向礙不醉時

有甚思糟醢兩箇功名。字醅滄千古興亡事。麩埋萬丈虹蜺。志不達時皆笑屈。原非但知音盡。

說陶潛是。命意造語下字俱好。最是陶字屬陽。協音若以淵明字則淵字唱作元字。

蓋淵字屬陰有甚二字上去聲盡說二字去上聲更妙。虹蜺志陶潛是務頭也。

白仁甫沉醉東風漁父詞云黃蘆岸白蘋渡口綠

楊堤紅蓼灘頭。雖無刎頸交。却有忘機友。點秋

江白鷺沙鷗傲殺人。間萬戶侯。不識字。烟波釣

叟。元人有歸隱詞云問天公許我閒身結草為標。編竹為門。鹿豕成羣。魚蝦作伴。鵝鴨比鄰。

不遠游堂上有親莫居官朝裏無人黜陟休云進退休論買斷青山隔斷紅塵亦有味而佳

白仁甫有醉中天賦佳人臉上黑痣云疑是楊妃

在逃脫馬嵬灾。曾與明皇捧硯來。美臉風流殺

巨奈揮毫李白。覷着嬌態洒松烟點。破桃腮。以

為杜遵禮作

白仁甫題情陽春曲云笑將紅袖遮銀燭。不放才

郎夜看書。相偎相挹取歡娛。止不過迭應舉。及

第待何如。又百忙裏鉸甚鞋兒樣。寂寞羅幃冷

串香向前樓定可憎娘止不過趕嫁粧悞了又何妨。

詹玉

號天游有送童甕天兵後歸杭齊夫樂一闋蓋伯顏破杭州之後也

詹天游以豔辭得名有妓訴狀立雨中天游賦清平調云醉紅宿翠髻顰烏雲墜管是夜來不睡那更今朝早起東風滿搦腰支階前小立多時恰恨一番新雨想應溼透鞋兒或以為毛葉作故宋駙馬楊震有十姬皆絕色名粉兒者猶勝一

日招詹天游宴盡出諸姬佐觴天游屬意於粉兒口占一詞云淡淡青山兩點春嬌羞一點口兒櫻一梭兒玉一窩雲白藕香中見西子玉梅花下遇昭君不曾真箇也銷魂楊遂以粉兒贈之曰請天游真箇銷魂也

詹天游後為翰林學士熊納齋嘗以軟香遺之因作慶清朝慢以謝曰紅雨爭妍芳塵生潤將春都揉成泥分明蕙風薇露持搦花枝欸欸汗酥

薰透嬌羞無柰溫雲癡偏厮稱霓裳霞珮玉骨  
冰肌梅不似蘭不似風流處那更着意聞時  
驀地生綃扇底嫩涼浮動好風微醉得渾無氣  
力海棠一色睡臙脂間滋味端人花氣韓壽爭  
知

蔣捷

字勝欲號竹山宜興人  
宋鄉貢進士宋亡不仕

蔣捷元夕女冠子云蕙花香也雪晴池館如畫春  
風飛到寶釵樓上一片笙簫琉璃光射而今燈

謾挂不是暗塵明月那時元夜况年來心賴意  
怯羞與闌蛾兒爭耍江城人悄初更打問繁  
華誰解再向天公借剔殘紅他但夢裡隱隱鈿  
車羅帕吳牋銀粉待把舊家風景寫成閒話笑  
綠鬟鄰女倚窻猶唱夕陽西下

蔣捷一剪梅辭云一片春愁帶酒澆江上舟搖樓  
上帘招秋娘容與泰娘嬌風又飄飄雨又蕭蕭  
何日雲帆卸浦橋銀字箏調心字香燒流光

光容易把人拋紅了櫻桃綠了芭蕉

番異人作心字香用

素馨茉莉半開者著淨器中以沉香薄劈層層相間密封之日一易不待花萎花過香成所謂心字香者以香末縈篆成心字也心字羅衣則謂心字香熏之爾

蔣捷解佩令春詞云春晴也好春陰也好着些兒

春雨越好春雨如絲綉出花枝紅裊怎禁他孟

婆合皂梅花風小杏花風小海棠風暮的寒

悄歲歲春光被二十四風吹老棟花風爾且慢

到

蔣捷有友人去妾賦風入松戲之曰東風舊日小

桃枝仙夢已雲迷盡闌紅子榭蒲處依然是春

晝簾垂恨殺河東獅子驚回海底鷗兒尋芳

少步莫嫌遲此去却慵移斷腸不在分襟後元

來在襟未分時柳岸猶携素手蘭房早掩朱扉



堯山堂外紀卷六十九

晉陵蔣仲舒編

元

劉秉忠

字子晦邢臺人因從釋氏又名子聰

劉太保自號藏春散人每以吟咏自適其詩蕭散閒淡類其為人。有有懷絕句云。雨過幽庭長綠苔。東風時為掃塵埃。無人曾見春來處。門外桃花只自開。

劉太保乾荷葉曲云乾荷葉色蒼蒼老柄風搖蕩  
減了清香越添黃都因昨夜一場霜寂寞秋江  
上此秉忠自度曲曲名乾荷葉卽詠乾荷葉猶  
是唐辭之意又一首吊宋云南高峰北高峰慘  
淡煙霞洞宋高宗一場空吳山依舊酒旗風兩  
度江南夢此借腔別詠者其曲悽惻感慨千古  
寡和

劉太保三奠子詞曰念行藏有命煙水無涯嗟去

鴈羨歸鴉半生身累影一事鬢成華東山客西  
蜀道且還家壺中日月洞裏煙霞春不老景  
長佳功名眉上鎖富貴眼前花三杯酒一覺睡  
一甌茶

劉太保弟秉志亦能詩登隨州白雲樓題絕句曰  
旌旗嫋嫋入隨州江漲祥煙散復收黃耳不來  
家信遠西風腸斷白雲樓

郝經

字伯常陵川人謚文忠

蜀人唐仲明子西孫也。蜀破被俘，鬻於燕市。安陸趙仁甫作疏鳩貨贖之。疏中有云：錦江秀色，都為巴蜀之蕭條。玉壘浮雲，盡入峨眉之悲慘。郝伯常讀而傷之，作蜀亡歎。昇仲明為行券云：子規啼缺峨眉月，嘉陵江中半江血。青天蜀道為坦塗，馬蹄蹴落陰山雪。芙蓉城碎朔風急，虓虎磨牙綺羅穴。不識兵戈三百年，壘鼓一聲肝膽裂。坡仙玉里子西孫，挺身北走來中原。峨岷秋

色橫眉宇，翫髯獨倚燕市門。時望蘇門一迴首，漠漠萬里烟塵昏。古言蜀險甲天下，一夫扞禦足成霸。前劉後李王復孟，虎視中原雄並駕。于今底事谷為陵，錦城萬里趨龍庭。當時不與秦塞通，一天自可延千齡。吾子莫漫嗟飄零，屬階權輿實五丁。

巴陵女子韓希孟，魏公五世孫。賈尚書男瓊之婦。宋開慶己未九月，元兵渡江，其將臣拔都自鄂

渚。覘上流。岳破民被俘。虜韓在行中。乃裂衣書  
其姓氏。并詩數百言。其畧云。退鷁落迅風。孤鸞  
吊空影。簪堅折。白玉瓶。沉斷青。縷妾死。志不移。  
改邑不改井。我本瑚璉器。安能作溺血。借此清  
江流。葬我全首領。皇天如有知。定作血面請。願  
魂化精衛。填海使成嶺。遂自沉。以死。郝伯常作  
巴陵女子行。弔之云。巴陵女子尚書婦。生平不  
識門前路。亂兵驅出勢倉皇。夫婿翁姑在何處。

吞聲掩淚行。且啼啼。痕沾濕。越羅衣。此身忍使  
人再辱。裂帛暗寫臨終詩。上言社稷安危事。下  
說投江誓天志。一回宛轉一悲辛。心折魂飛不  
成字。詩成淚盡赴江流。蛾眉蕭颯天為愁。芙蓉  
零亂入秋水。玉骨直葬青海頭。古來烈婦纔一  
二。誰似巴陵更文理。名與長江萬古流。丞相魏  
公猶不死。

中統初世祖欲告卽位定和議于宋郝經克國信

使以行賈似道幽之於儀真忠勇軍營防守嚴  
至介佐或不堪郝賦詩曰重圍雨久塌莓苔火  
舖喧呼著棘栽。唯有東風難禁約。隔牆吹過落  
花來。一日館人供鴈又賦詩曰持節江頭久食  
魚。館人供鴈意踟躕。呼兒細看雲間足。恐有中  
原問訊書。

趙仁甫嘗宿郝伯常家之蜩殼庵時霜清月冷聞  
角聲寥亮伯常作聽角行以贈其行有云漢家

有客北海北。節毛落盡頭毛白。聽此空令雙淚  
垂。中原鴈斷無消息。南枝越鳥莫驚飛。牢落天  
涯永相失。江上舊梅花。今夜落誰家。樓頭有恨  
知何事。牽住晴空幾縷霞。及伯常拘儀真每聞  
角聲因思向來卒章四句便有江城羈畱之兆  
因作後聽角行以自釋云燕南壯士江城客。孤  
館無眠心已折。那堪夜夜聞角聲。怨曲悲涼更  
幽咽。一噴牽殘楊柳風。五更吹落梅花月。霜天

裂却浮雲散。鴈行斷。盡疎星接。餘音眇眇渡江去。依稀似向愁人說。勸君且莫多嘆嗟。家人恨殺生離別。可恨辛苦為誰來。凋盡朱顏頭半白。萬緒千端都上心。一寸肝腸能幾截。當時聽角送南人。南人吹角不送人。不如睡着東風惡。拍枕江聲總不聞。

宋咸淳癸酉郝伯常被留真州已十五年時有以生鴈饋者伯常因作詩以帛書云零落風高縱

所如。歸期回首是春初。上林天子援弓繳。窮海累臣有帛書。並署年月姓名通五十九字。皆有陵川郝氏印方一寸。文透於面。繫鴈足。縱之。是年十二月伯顏師渡大江。明年二月賈似道懼命總管段祐送伯常歸國。三月虞人始獲鴈於汴梁金明池。四月公至燕都。而七月遂卒。其書稱中統十五年。卽至元十一年。南北隔絕。但知建元為中統也。

帛書為安豐教授王時中所得。延祐五年春集賢學士郭賈出

持淮西使節見烏遂奏于朝勅中使取之仁宗  
詔裝潢匠成卷翰林集賢文臣各題識之歲諸  
東觀王約吳澄表梅蔡文淵  
李源道鄧文原虞集皆有作

伯顏蒙古部人宋末下時江南謠云江南若  
破百鴈來過當時莫喻其意及宋亡蓋

知指丞相  
伯顏也

宋咸淳末世祖命伯顏總制大軍收江南伯顏有

詩曰劔指青山山欲裂馬飲長江江欲竭精兵

百萬下江南干戈不染生靈血又題馬鞭云一

節高兮一節低幾面敲鐙月中歸雖然三尺無

鋒刃百萬英靈屬指揮及軍迴過梅嶺岡復留

題曰馬首經從庾嶺歸王師到處悉平夷檐頭

不帶江南物只插梅花一两枝

伯顏丞相與張九元帥席上各作一喜春來詞伯

顏詞云金魚玉帶羅欄扣卓蓋朱幡列五侯山

河判斷在俺筆尖頭得意秋分破帝王憂張九

詞云金裝寶劔藏龍口玉帶紅絨掛虎頭綠楊

影裏驟驂騑得志秋名滿鳳皇樓師才相量各

言其志

張弘範

字仲疇河內人柔第  
九子受學于郝伯常

張弘範圍襄陽賦鷓鴣天詞云鐵甲珊珊渡漢江。  
南蠻猶自不歸降。東西勢列千層厚。南北軍屯  
百萬長。弓扣月。劍磨霜。征鞍遙日下襄陽。鬼  
門今日功勞了。好去臨江醉一場。

張弘範詠海棠點絳唇詞云醉臉勻紅。向人無語  
誇顏色。一枝春雪。猶染鬼坡血。庭院黃昏燕

子來時節。芳心折。露垂香頰。羞對開元月。

張弘範攜妓泛舟遇雨賦詩云醉漾蘭舟去。歡聲  
儘棹遲。舞回風過處。歌罷雨來時。鳳管傳瓊液。  
鸞刀繪玉絲。池塘烟樹外。一片畫中詩。

張弘範遠煙詩云慘淡微風外。氤氳老樹頭。乍驚  
香霧薄。遙認斷雲浮。日落山腰暮。雨晴天際秋。  
晴明歲。不得一片晉家羞。

張弘範燭淚詩云惜別終宵話不休。煌煌燈燭照



離愁。蠟花本是無情物。特向人前也淚流。

張弘範雛燕詩云羽為香潤態含癡睡足雲堯力

尚微喚母但能啾唧語戀巢猶倦往來飛薰風

庭院簾初捲落日池臺人乍歸白鳳赤龍渾異

事爭如隨分着烏衣

盧摯

字處道號疎齋涿郡人坐右大書一天字其下細注六字云有記性不急性

有以采薇圖求盧疎齋題者疎齋援筆云服藥求長年孰與孤竹子一食西山薇萬古猶不歿

杜妙隆金陵佳麗人也盧疎齋欲見不果因題踏

莎行于壁云雪暗山明溪深花藻行人馬上詩

成了歸來聞說妙隆歌金陵却比蓬萊渺寶鏡

慵窺玉容空好梁塵不動歌聲悄無人知我此

時情春風一枕松牕曉

盧疎齋有落梅風一闋別歌者珠簾秀云纔懽悅

早間別痛殺俺好難割捨畫船兒載將春去也

空留下半江明月珠簾秀答詞云山無數烟萬

縷。憔悴然。玉堂人物。倚蓬窓。一身兒活。受苦恨。不得隨大江東去。

孔文昇字退之先聖五十四代孫也盧疎齋雅相

推重一游一燕未不與退之同處或賦詩詞必

先書見示一日廉使容齋徐公琰云書中有女

顏如玉戲謂退之曰試為我屬一對俗語尤佳

退之即應曰路上行人只似碑容齋大喜退之幼在

金陵郡庠從戴表元游表元每因暇即以方言俗諺作題令諸生破如經義法一日命破樓字

退之曰因地之不足取天之有餘表元大喜又命以諺云寧可死莫與秀才擔擔子肚裏飢打火又無米破曰小人無知不肯竭力以事君子君子有義不能求食以養小人按宋末人多戲為之如古曲題云看看月上蒲萄架那人應是不來也最苦是一隻鳳梳開在綉幃下破云時至人未至君子不能無疑心物偶人未偶君子不能無感心小曲題云媽媽只要光光鏝我苦何曾管雪下去送官賣酒輪番幾曾得免怎容懶有客教奴伴破云吾親徇利而忘義既不能以憂人之憂吾身徇公而忘私又強欲以樂人之樂

姚燧 柳城人樞之姪晞牧菴

姚牧菴醉高歌辭云十年燕月歌聲幾點吳霜鬢

影西風吹起鱸魚興。已在桑榆暮景。榮枯枕  
上三更。傀儡場中四弄。人生幻化如泡影。幾箇  
臨危自省。

姚牧菴寄征衣。凭闌人調云。欲寄君衣。君不還。不  
寄君衣。君又寒。寄與不寄間。妾身千里。雞

張怡雲大都名妓也。姚牧菴閤靜軒每於其家小  
飲。嘗佐貴人樽俎。姚偶言暮秋時三字。閤命怡  
雲續而歌之。張應聲作小婦孩兒。且歌且笑曰。

暮秋時菊殘。猶有傲霜枝。西風了。卻黃花事。貴

人曰。且止。遂不成章。

史中丞嘗遇姚牧菴閤靜軒於道。笑而問曰。二先生

所往容待行否。因命騶從歸。携酒饌。同造怡雲海子上之居。姚命張取酒。先壽史。張且歌雲間貴公子。王骨秀。橫秋水。調歌一闕。史喜甚。席終左右欲徹酒器。皆金玉者。史云。休將去。留待二先生來。此受用。

姚牧菴爲翰林學士。承旨日。玉堂設宴。歌妓羅列  
中有一人秀麗閒雅。微操閩音。公使來前。問其  
履歷。初不以實對。叩之再泣。而訴曰。妾乃建寧

人氏真西山後也。父官朔方時，祿薄不足以給。侵貸公帑，無償遂賣入娼家，流落至此。公命之坐，仍遣使詣丞相三寶奴，請為落籍。丞相素敬公意，公欲以侍中櫛，即令教坊檢籍除之。公得報語，一小史黃瓌曰：「我以此女為汝妻，女即以我為父也。」史忻然從命。史後至京師，人相傳以為盛事。嘉興貝闕詩曰：斷絲棄道邊，何日緣長松墮羽。別炎洲不復巢梧桐。昔在至元日，六合

車書同玉堂。盛文士燕集來雍雍，金刀手割鮮

酒給蒲萄濃。坐有一枝春秀色，不可雙。叶娉婷

劉碧玉綽約商玲瓏，寶釧金雀釵已覺燕趙空。或聞操南音，未解歌北風。上客驚且疑，姓字初

未通。問之慚復泣，乃起陳始終。妾本建寧女，遠

出西山翁。父母生妾時，謂是金母童。梨花鎖院落燕子，窺簾櫳。迢迢官朔方，位卑食不充。侵貸

國有刑，桎梏加父躬。粥女以自贖，白壁淪泥中。

秋娘教歌舞。屢入明光宮。永為娼家婦。遂屬梨  
 園工。京華多少年。門外嘶青驄。不如孟光醜。猶  
 得嫁梁鴻。自傷妾薄命。失落似秋蓬。客聞為三  
 嘆。天道何懵懵。遣使白宰相。削籍歸舊宗。小吏  
 十八九。勿恨相如窮。配爾執箕箒。今夕看乘龍。  
 鴛鴦並玉樹。鸚鵡開金籠。棄汝桃花扇。紅牙不  
 復從。提甕自汲水。絺綌自御冬。時多困軼軻。事  
 或忻遭逢。安知百尺井。忽登羣玉峰。借問為者

誰內相姚文公

姚牧菴致政家居年八十時夏日沐浴有侍妾在  
 側公因私焉公起妾前拜曰主公年老賤妾倘  
 有娠家人必見疑願賜識驗公因捉其肚圍題  
 詩于上曰八十年來遇此春。此春遇後更無春。  
 縱然不得扶持力。也作墳前拜掃人。公夢後此  
 妾果有子家人疑其外通妾出此詩遂解當時  
 士大夫與其子交者皆傳誦以為笑

陳孚

字剛中台州人至元中以布衣獻大一統賦

陳剛中初嘗為僧以避世變一日大書所作詩於其父執某之粉牆上云我不學寇丞相地黃變髮髮如漆又不學張長史醉後揮毫掃狂墨平生紺髮三十丈幾度和雲眠石上不令感時怒衝冠天公罰作圓頂相肺肝本無兒女情亦豈惜此雙鬢青只憶山間秋月冷搔首不見鬢鬆影父執見之曰此子欲歸俗也命養髮經半年

餘以女歸之

陳剛中雖獲佳偶自妻母以至妻之兄姊弟妹皆不然遂挈家入京館閣諸老交章薦舉入翰林端陽日當母誕作太常引二首云綵絲堂上簇蘭翹記生母在今朝無地捧金蕉奈烟水龍沙路遙碧天迢遞白雲何處急雨蕭蕭萬里夢魂銷待飛逐錢唐夜潮其二短衣孤劍客乾坤奈無策報親恩三載隔晨昏更踈雨寒燈斷魂

赤城霞外。西風鶴髮。猶想倚柴門。蒲醕漫盈樽。倩誰寫青山淚痕。時為編修云。

至元末朝廷遣吏部尚書梁曾使交趾以陳剛中

攝禮部郎中副之至交州賦詩曰老母越南垂

白髮病妻塞北倚黃昏蠻烟瘴雨交州客三處

相思一夢魂及抵安南國以文字言語諭之其

國遂降

梁曾字貢父燕京人後大德間為杭州路總管嘗作西湖送春詞一闕調木蘭

花慢云問花花不語為誰落為誰開算春色三分半隨流水半入塵埃人生能幾歡笑但相逢

樽酒莫相推千古幕天席地一春翠繞珠圍彩雲回首暗高臺烟樹渺吟懷拚一醉留春留春不住醉裏春歸西樓半簾斜日怪街春燕子却飛來一枕青樓好夢又教風雨驚回

陳剛中入安南絕不作詩清明感事集句云十里

宜春下苑花五年寒食住京華自憐慣識金蓮

燭奉使虛隨八月槎回首扶桑銅柱標芙蓉

帳暖度春宵清明寒食誰家哭折戟沉沙鐵味

消水流花謝兩無情獨上高樓望帝京閑憶

金明池上路人生看得幾清明江東行客思

悠哉不盡長江滾滾來。寒食清明都過了。鷓鴣  
飛上越王臺。台州城闊海冥冥。人踏金熬魚背  
上行。獨在異鄉為異客。無花無酒過清明。慈  
母年高鶴髮垂。鄉書無鴈到家遲。初過寒食一  
百六。一日思親十二時。共藉梨花作寒食。孟  
光舉案與眉齊。越裳翡翠無消息。夜合花前日  
又西。寒食家家出古城。滿川風雨看潮生。八  
千里外飄零客。起向朱櫻樹下行。一百五日

寒食雨。風光別我苦吟身。尚書氣與秋天杳。同

是天涯流落人。

剛中在安南有紀事詩曰鼻飲  
如甌。甌頭飛似轆轤。蓋言土人

有能鼻飲者。有頭能夜飛於海。食魚。曉復歸身  
者。羸蟲集中載七。過國人鼻飲水漿。頭飛食魚  
近汪海雲。亦能鼻飲。頭飛則怪也。星槎勝覽亦  
言占城國婦人有頭飛者。夜飛食人糞。矢知而  
固封其項。或移其身。則死矣。作書者自云目擊  
其事。考古占城正接安南之南。而老搨正接安南  
西北始信

陳詩不誣

陳剛中題博浪沙云。一擊車中膽氣高。祖龍社稷

已驚搖。如何十二金人外。猶有民間鐵未消。題



范增墓云七十衰翁兩鬢霜西來一笑火咸陽

平生奇計無他事只勸鴻門殺漢王

元時臨安項羽廟火

人有詩曰嬴秦久矣酷斯民羽入關中又一秦父老莫嗟遺廟毀咸陽三月是何人

呂徽之

仙居人博學能詩文問無不知一日與陳剛中遇于道剛中時猶布衣策

蹇驢行見徽之風神高遠問曰得非呂徽之手曰然徽之亦問君非陳剛中乎曰然

遂握手若平生歡因共論驢事徽之言一事剛中答一事互至四十餘事剛中已竭

復三曰我尚記得某出某書某出某傳

呂徽之家萬山中以耕漁自給一日詣富家易穀

種大雪立門下聞閣中有吟哦聲乃一人分韻

得滕字苦吟弗就徽之不覺失笑眾詰其故徽

之曰我意舉滕王蛟蝶事耳眾皆歎服固邀入

閣以藤滕二字請足成之徽之即援筆云天上

九龍施法水人間二鼠嚙枯藤鶩鶩聲亂收

蔡蝴蝶飛來妙過滕復請和曇字韻詩又隨筆

云萬里關河凍欲含渾如天地尚函三橋邊驢

子詩何惡帳底羔兒酒正酣竹委長身寒郭索

松埋短髮老。瞿曇不如乘此擒元濟。一洗江南  
草木慚。寫訖便出門。畱之不可得。問其姓字亦  
不答。與之穀不受。刺船去。遣人遙尾其後。路甚  
僻。識其所而返。雪晴往訪。烏惟草屋一間。家徒  
四壁。立忽米桶中。有人乃其妻也。因天寒無衣  
故坐其中。時薇之在溪上捕魚。望見諸公。乃隔  
溪謂曰。我得魚。當換酒飲諸公也。少頃携魚與  
酒至。盡歡而散。翼日復有人躡其蹤。則薇之已

遷居矣

梁棟

字隆吉

梁隆吉以其弟中砥為黃冠。受業三茅山。嘗往還  
或終歲。烏一日登大茆峰。題壁賦長句。有云大  
龍上天寶劍化。小龍入海明珠沉。安得長松撐  
日月。華陽世界收層陰。隆吉每恃已才貌。忽衆  
人人多憾之。一黃冠與隙。訴此詩於句容縣。以  
為謗。訕朝廷有思宋之心。縣上於郡。郡達於行

省行省聞之都省直毀屋壁函置京師收繫于  
獄久而得釋放還江南

梁隆吉四禽言詩曰不如歸去錦官宮殿迷烟樹  
天津橋上一兩聲叫破中原無住處不如歸去  
行不得也哥哥湖南湖北春水多九疑山前  
叫虞舜奈此乾坤無路何行不得也哥哥脫  
却布袴貧家能有幾尺布寒機織盡無得裁可  
人不來廉叔度脫却布袴提壺蘆提壺蘆今

年酒賤頻頻沽衆人皆醉我亦醉哀哉誰問醒  
三閭提壺蘆提壺蘆

梁隆吉登鎮海樓聞角聲賦絕句云聽徹哀吟獨  
倚樓碧天無際思悠悠誰知盡是中原恨吹到  
東南第一州

梁隆吉念奴嬌詞曰一場春夢待從頭說與傷人  
聽着。罨畫溪山紅錦幃舞燕歌鶯臺閣碧海傾  
春黃金買夜猶道看承薄雕香剪玉今生今世

盟約。須信歡樂過情。閑嗔冷妬。一陣東風惡。  
韻白嬌紅。消瘦盡江北江南。零落。骨朽心存。恩  
深緣淺。忍把羅衣着。蓬萊何處。雲濤天際。冥漠

山堂外紀卷六十九終

程